

BC663. 10

冬十月癸巳朔 天皇嘗其嚴瓮之糶 勒兵而出 先擊 八十梟帥 於國見丘 破斬之 是役也 天皇志存必克 乃爲御謠之曰

伽牟伽筮能 伊齊能于瀾能 於費異之珥夜 異波臂茂等倍屢 之多人囊瀾能 之多 之多人囊瀾能 阿誤豫 阿誤豫 之多太瀾能 異波比茂等倍離 于智弓之夜莽務 于智弓之夜莽務

謠意 以大石喻其國見丘也 既而餘黨猶繁 其情難測 乃顧勅 道臣命 汝宜帥 大來目部 作大室於忍坂邑 盛設宴饗 誘虜而取之 道臣命 於是 奉密旨 掘穴音於忍坂 而選我猛卒 與虜雜居 陰期之曰 酒酣之後 吾則起歌 汝等聞吾歌聲 則一時刺虜 已而坐定酒行 虜不知我之有陰謀 任情徑醉 時道臣命 乃起而歌之曰

於佐箇迺 於朋務露夜珥 比苔磋破而 異離烏利苔毛 比苔磋破而 枳伊離烏利苔毛 瀾都瀾都志 俱海能固邏餓 勾鷺都々伊 異志都々伊毛智 于智弓之夜莽務

時我卒聞歌 俱拔其頭椎劍 一時殺虜 々無復嚙類者 皇軍大悅 仰天而咲 因歌之曰

伊莽波豫 伊莽波豫 阿々時夜塢 伊莽人囊而毛 阿誤豫 莽人囊而毛 阿誤豫

今來目部歌而後大晒 是其緣也 又歌之曰

愛瀾詩烏 毘人囊利 毛々那比苔 比苔破易陪迺毛 多牟伽毘毛勢儒

此皆承密旨而歌之 非敢自專者也 時天皇曰 戰勝而無驕者 良將之行也 今魁賊已滅 而同惡者 匈々十數群 其情不可知 如何久居一處 無以制變 乃徙營於別處

## BC663. 11. 07

十有一月癸亥朔己巳 皇師大舉 將攻磯城彥 先遣使者 徵 **兄磯城** 兄磯城不承命 更遣頭八咫鳥召之 時鳥到其營而鳴之曰 天神子召汝 怡奘過 怡奘過 過音倭】兄磯城忿之曰 聞天壓神至 而吾爲慨憤時 奈何鳥若此惡鳴耶 【壓 此云飢葛】乃彎弓射之 鳥即避去 次到 **弟磯城** 宅 而鳴之曰 天神子召汝 怡奘過 怡奘過 時弟磯城心葉然改容曰 臣聞天壓神至 旦夕畏懼 善乎鳥 汝鳴之若此者歟 即作葉盤八枚 盛食饗之【葉盤 此云田比羅耐】因以隨鳥 **詣到而告之曰** 吾兄々磯城 聞天神子來 則聚八十梟帥 具兵甲 將與決戰 可早圖之 天皇乃曾諸將 問之曰 今兄磯城 果有逆賊之意 召亦不來 爲之奈何 諸將曰 兄磯城黠賊也 宜先遣弟磯城曉諭之 并說兄倉下 弟倉下 如遂不歸順 然後舉兵臨之 亦未晚也【倉下 此云衢羅餌】乃使弟磯城開示利害 而 **兄磯城等 猶守愚謀 不肯承伏** 時 **椎根津彥** 計之曰 今者宜先遣我女軍 出自忍坂道 虜見之必盡銳而赴 吾則駟馳勁卒 直指墨坂 **取菟田川水 以灌其炭火** 儻忽之間出其不意 則破之必也 天皇善其策 乃出女軍以臨之 虜謂大兵已至 畢力相待 先是 皇軍攻必取 戰必勝 而介冑之士 不無疲弊 故聊爲御謠 以慰將卒之心焉 謠曰

哆々奈梅豆 伊那瑳能椰摩能 虛能莽由毛 易喻耆摩毛羅毘 多々介陪麼 和例破椰隈怒 之摩途等利 宇介譬餓等茂 伊莽媛開珥虛禰

果以 **男軍越墨坂 從後夾擊破之 斬其梟帥兄磯城等**

## BC663. 12. 04

十有二月癸巳朔丙申 皇師遂擊長髓彥 連戰不能取勝 時忽然天陰而雨水 乃有金色靈鷲 飛來止于皇弓之弭 其鷲光晔煜 狀如流電 由是 長髓彥軍卒皆迷眩 不復力戰

長髓是邑之本號焉 因亦以爲人名 及皇軍之得鷲瑞也 時人仍號鷲邑 今云鳥見是訛也

昔孔舍衛之戰 五瀨命中矢而薨 天皇銜之 常懷憤對心 至此役也 意欲窮誅 乃爲御謠之曰

瀨都瀨都志 俱梅能故邏餓 介耆茂等珥 阿波赴珥破 介瀨羅田比苔茂苔 曾迺餓毛苔 曾禰梅屠那藝豆 于答豆之夜莽務

又謠之曰

瀨都々々志 俱梅能故邏餓 介耆茂等珥 宇惠志破餌介瀨 句致弭比俱 和例破水宛輸例儒 于智豆之夜莽務

因復縱兵急攻之 凡諸御謠 皆謂來目歌 此的取歌者而名之也

時長髓彥 乃遣行人言於天皇曰 嘗有天神之子 乘天磐船自天降止 號曰櫛玉饒速日命【饒速日 此云人爾藝波椰卑】是娶吾妹三炊屋媛【亦名長髓媛 亦名鳥見屋媛】

遂有兒息 名曰可美真手命【可美真手 此云于魔詩莽耐】故吾以饒速日命 爲君而奉焉 夫天神之子豈有兩種乎 奈何更稱天神子 以奪人地乎 吾心推之未必爲信  
天皇曰 天神子亦多耳 汝所爲君是實天神之子者 心有表物可相示之 長髓彥即取饒速日命之天羽々矢一隻及步鞞 以奉示天皇々々覽之曰 事不虛也  
還以所御天羽々矢一隻及步鞞 賜示於長髓彥 長髓彥見其天表 益懷足叔足昔 然而凶器已構 其勢不得中休 而猶守迷圖 無復改意  
饒速日命 本知天神慙慙 唯天孫是與 且見夫長髓彥稟性悞悞 不可教以天人之際 乃殺之  
帥其衆而歸順焉 天皇素聞饒速日命 是自天降者 而今果立忠效 則褒而寵之 比物部氏之遠祖也

## BC662. 2. 20

己未年春二月壬辰朔辛亥 命諸將練士卒 是時 層富縣波哆丘岬 有新城戸畔者 【丘岬 此云塙介佐棄】又和珥坂下 有居勢祝者 【坂下 此云磋伽梅苔】臍見長  
柄丘岬 有猪祝者 此三處土蜘蛛 並恃其勇力 不肯來庭 天皇乃分遣偏師 皆誅之  
又高尾張邑 有土蜘蛛 其爲人也 身短而手足長 與侏儒相類 皇軍結葛網 而掩襲殺之 因改號其邑曰葛城  
夫磐余之地 舊名片居 【片居 此云伽哆韋】亦曰片立 【片立 此云伽哆哆知】逮我皇師之破虜也 大軍集而滿於其地 因改號爲磐余  
或曰 天皇往嘗嚴瓮糧 出軍西征 是時 磯城八十梟帥 於彼處屯聚居之 【屯聚居 此云怡波瀾萎】果與天皇大戰 遂爲皇師所滅 故名之曰磐余邑  
又皇師立誥之處 是謂猛田 作城處 號曰城田 又賊衆戰死而僵屍 枕臂處呼爲賴枕田  
天皇以前年秋九月 潛取天香山之埴土 以造八十平瓮 躬自齋戒祭諸神 遂得安定區宇 故號取土之處 曰埴安